



HE KIRĪKITI, ENGARI KAUA KO TĀU E MŌHIO NĀ

INGOA KĒMU

Taimana Kirīkiti

PŪKENGA



TAPUTAPU

- Kia whā ngā huinga pou
- Kia 4 ngā pōro kirīkiti
- Kia 1 te patu
- Kia 1 te tohu/koeko

WHAKAMĀRAMA

- Ka tākarohia te kēmu ki te papa tākaro taimana nei, kei tēnā kokonga kei tēnā kokonga he huinga pou. Me tū tētahi kaipatu ki tēnā huinga pou, ki tēnā huinga pou
- E wātea ana te kaiepa ki te epa ki te kaipatu e hiahia ai ia. Me whakahoki te kaiepa i te pōro, ki waenganui i te taimana, ki te kaiepa rā anō.
- Kia ono ngā epanga a te kaiepa, ka hoatu ki tētahi kaihopu kia whai wāhi ai te katoa ki te epaepa.
- Ka patua ana te pōro, ka oma ngā kaipatu i tā te karaka haere ki te huinga pou e whai ana (ki tua rānei, ina e taea ana)!
- Ki te hihipa kia rua nga epanga i te kaipatu, me oma rawa. Mehemea ka tae rātou ki te huinga pou e whai ana, he 10 piro tērā
- Tirohia ngā mahi ki konei: https://youtu.be/_4vOdcP_cFg

WHAKAREREKĒTANGA

- Whakarerekētia te rahi o te taimana e ai ki te tokomaha o ngā kōtiro e tākaro ana
- Whiua/epaina atu i te pūwaenga o te taimana
- Ka karanga te kaipatu i te aronga hei oma – whakatemalaī, whakatekatau rānei



HE KIRĪKITI, ENGARI KAUA KO TĀU E MŌHIO NĀ

INGOA KĒMU

**Mā runga, mā raro,
mā roto**

PŪKENGA



TAPUTAPU

- Kia 1 te patu, kia 3 ngā pou patu
- Kia 3 ngā pōro kirikiti/tenihi
- Kia 2 ngā huinga pou, kia 1 te pīrori hula
- Kia 6 ngā tohu / koeko

WHAKAMĀRAMA

Whakaritea ēnei mea:

- Kia 3 ngā pou patu me ngā pōro
- Whakarārangitia kia 6 ngā tohu / koeko, kia tata ki ngā pou patu
- ‘mā runga’ – whakatakotoria ngā pou
- ‘ma raro’ – whakatakotoria ngā pou, unuhia ngā pou e 2 kei raro rawa
- ‘mā roto’ – whakatūria kia 2 ngā koeko, tōna 1mita te tawhiti o tētahi i tētahi
- Ki waenga te ringi hula (e ai ki te whakaahua)
- He pai atu kia tokowhā ki ia tīma, e mahi takirua ana. Kotahi tīma kei te whīra, kotahi tīma kei te patu.
- Ka patua kia 3 ngā pōro e tētahi kōtiro o te tokorua – ka whai kia rere ‘mā runga’, ‘mā raro’, ‘mā roto’ hoki i ngā pou
- Ka patua ana, ka tarapekepeke haere te tokorua i te roa o te rārangī tohu, ka kohia e te tīma kaihopu i ngā pōro e toru
- Ka whakahokia a te tīma kaihopu i ngā pōro e toru ki te pīrori
- Ka whiwhi piro mō te patu i te pōro ‘mā runga’, ‘mā raro’, ‘mā roto’ i ngā pou, me te tatau hoki o ngā koeko i tarapekea e rāua

WHAKAREREKĒTANGA

- Patua he pōro e nuku ana, he rerekē ngā piro mō tēnā huinga pou, mō tēnā huinga pou
- Kei raro nei tētahi tauira mō ‘mā runga, mā raro, mā roto’



HE KIRĪKITI, ENGARI KAUA KO TĀU E MŌHIO NĀ

INGOA KĒMU

Patu te whai

PŪKENGA



TAPUTAPU

- Kia 1 te patu mō tēnā tīma, mō tēnā kōtiro rānei
- Kia 1 te pōro kirīkiti/tenihi mō ia kōtiro/tīma
- Huinga koeko/tohu

WHAKAMĀRAMA

Ko tētahi o ngā tino mahi a Āe! Kotiro ko te patu me te tā i te pōro...

Ko te whakamahinga rerekē o te patu kirīkiti, pēnei me te patu haupoi, he whakawhitinga hākinakina pai. Ko ētahi whakaaro ko ēnei:

- Patua haeretia te pōro pērā i te haupoi, engari whakamahia te patu kirīkiti – huri noa i tētahi huinga koeko, tohu rānei
- Patua te pōro i te pou patu ki tētahi āpure, patua haeretia te pōro i te whenua ki te tīmatanga
- Whakaritea he koura i waenga i ngā koeko, ngā wīkiti e rua rānei; ka mahi takirua ngā kōtiro ki te patu i te pōro tenihi kia piro ai, ā, ka ngana ētahi atu ki aukati i a rāua ki te patu

WHAKAREREKĒTANGA

- Whakaritea he tānga i waenga i ngā tīma e patupatu haere ngā kōtiro i te pōro, huri noa i tētahi huinga taputapu, koeko hoki, ā, ka whai kia tere rawa te hokinga ki te tīma
- Whakamahia te patu tenihi, pate kilikiti rānei, kaua ko te patu kirīkiti
- Whakamahia ngā koeko hei whakarite i te kōhi korowha iti e patu atu ai ngā kōtiro i te pōro ki reira. Ko te toa ko te tuatahi ki te haere i te kōhi katoa, ko te tataua iti rawa rānei o ngā patunga i ngā kōhao katoa



HE KIRĪKITI, ENGARI KAUA KO TĀU E MŌHIO NĀ

INGOA KĒMU

Patu mai i te Pou

PŪKENGĀ



TAPUTAPU

- Kia 1 te patu
- Kia 1 te pou patu
- Kia 3 ngā pōro kirikiti, pōro mangohe rānei
- Ētahi tohu, koeko rānei hei roherohe i ngā āpure

WHAKAMĀRAMA

- Whakatūria te pou patu, kia 15 mita te tawhiti mai i te pou patu ko te āpure 2 piro me te āpure 1 piro
- Ka patu te kaipatu i te pōro mai i te pou patu
- Ka whiwhi piro e ai ki te āpure e rere ai te pōro
- Ka whakahoki te kaihopu i te pōro ki te kaitiaki wīkiti, māna hei whakahoki te pōro ki te pou patu
- E toru ngā pōro ka patua e te kaipatu, kātahi ka tukuna te rākau ki tētahi atu kaitākaro
- Whakaritea ētahi wāhi, ka whakarōpū takitoru ai i ngā kōtiro kia kaua e roa ngā rārangi, ā, kia whai wāhi nui ai ngā kōtiro ki te patu i te pōro

WHAKAREREKĒTANGA

Whakakēmutia!

- Āpure 1 piro = 1 te piro
- Āpure 2 piro = e 2 ngā piro
- Me ka tuki te pōro ki te koeko, ka nui atu te tataua a te kaipatu ki taua koeko
- Whakamahia te Pake (patu kilikiti)
- Kaua e patu mai i te pou patu, engari kē ia patua te pōro e nuku ana. Ka epa ā-raro haere ngā kōtiro i te pōro ki te kaipatu